

რელიგია და მეცნიერება

ქეთევან ხარაიშვილი

ივანე ჯავახიშვილის სახელობის თბილისის სახელმწიფო უნივერსიტეტი

QetevanKharaihvili17@gmail.com

წარსული ათასწლეულების ძირითადი სიმძიმე ეკლესიას და ჭეშმარიტი აზროვნებით გამორჩეულ შვილებს დაანვა, რადგანაც ისინი განსაზღვრავდნენ ერის სულიერ და გონებრივ პოტენციალს.

ცივილიზაციის განვითარების გზაზე ადგილი ჰქონდა გარკვეულ კოლიზიებს რწმენასა და ცოდნას შორის. სამართლიანობა მეცნიერების ისტორიამ დაადასტურა, როდესაც მეცნიერება პირველ ნაბიჯებს დგამდა და გარკვეულ წარმატებებს მიაღწია და ჭეშმარიტებაზე მონოპოლია გამოაცხადა. ამჟამად სიმნიფის ასაკს მიწნეული, რეალობაში უფრო მეტად გაერკვა და დაიწყო თანდათანობით, მტკიცედ და განუხრელად დაბრუნება იმ მსოფლმხედველობასთან, რომელიც ოდესღაც კაცობრიობას მიეცა გამოცხადების გზით.

დადგა ღვთისმეტყველების და ბუნებისმეტყველების, რწმენის და ცოდნის შეხვედრის უამი.

უკანასკნელ პერიოდში მსოფლიოს წამყვან სამეცნიერო ცენტრებში სრულდება ფუნდამენტური გამოკვლევები და იქმნება კლასიკური შრომები კრეაციონიზმის აქტუალურ საკითხებზე.

ნაშრომში წარმოდგენილია წმიდა მამების, გამოჩენილი ფილოსოფოსების და მეცნიერების ცნობილი მოღვაწეების ისტორიული და თანამედროვე შეხედულებები და მოსაზრებები.

„შესაძლებელია თუ არა, რომ ჭეშმარიტი მეცნიერი იყოს მორწმუნე?– კითხულობს ნობელის პრემიის ლაურეატი ვიქტორ ჰესი-მე ვფიქრობ, რომ დასაშვებია. მთელი ჩემი მოღვაწეობის მანძილზე ვერ დავადგინე ის ფაქტი, რომ მეცნიერული გამოკვლევები ეწინააღმდეგებოდეს შემოქმედი ღმერთის რწმენას“.

ჭეშმარიტების ძიებაში ბრძენი ადამიანები მისდევდნენ იმ ვარსკვლავის ნათებას, რომელიც მიუძღოდა აღმოსავლელ მოგვებს ბეთლემში, სადაც უბრალო ბაგაში იშვა განკაცებული „საღვთო ლოგოსი“.

ღმერთმა გაგვიხსნა სრულყოფის კარი და თუ მისი ნათელი გაბრწყინებული რწმენითა და სიყვარულით აღვსილნი წარემართავთ კაცობრიობის პროგრესს, ჩვენს მომავალს საფრთხე არ ემუქრება.